



Fréttabréf Skeiða- og Gnúpverjahrepps

6. árgangur 6. tbl.

Júní 2009

17. júní 2009



Kæru sveitungar, nú höldum við Þjóðhátíðardaginn hátíðlegann. Að þessu sinni verður hátíðin haldin í Brautarholti.

Kl. 12:00 hefjast dráttarvélaprautir – skráning á staðnum

Kl. 14:00 hefst hátíðardagskrá og verður hún með hefðbundnu sniði.

Kl. 16:00 kaffiveitingar í boði sveitarfélagsins.

Aukaföt eru nauðsynleg fyrir þá sem taka þátt í leikjum við sundlaugina.

Ath. Börn eru á ábyrgð foreldra

Kertasmiðjan verður með pizzutilboð.



Menningarstyrkir.

Menningarráð Suðurlands veitti í vor styrki handa 105 umsækjendum, samtals rúmlega 34 milljónir. Tveir styrkir, samtals kr. 1.050.000,- komu í hlut aðila í Skeiða- og Gnúpverjahreppi. Þetta eru, hópurinn Aska og Þjóðlagasveitin Korka. Aska er áhugamannahópur um Þjórsárdalinn og verkefnið nefnist "Undan öskunni". Það er m.a. að setja upp leikbátt um Gauk Trandilsson, einn frægasta íbúa dalsins. Hópurinn fékk styrk sem nam kr. 750.000,- Hópurinn er samansettur af um tíu íbúum í hreppnum. Ásborg Arnþórsdóttir ferðamálafulltrúi uppsveita Árnessýslu heldur utan um hópinn. **Eypór Brynjólfsson búsettur við Árnes og Sigrún Bjarnadóttir Fossnesi** eru verkefnisstjórar hópsins. Vilborg Halldórsdóttir leikkona í Reykjavík hefur verið ráðin til að skrifa handrit um Gauk og er það verk hafið. Markmiðið er að handritið verði tilbúið um næstu áramót.

Þjóðlagasveitin Korka er skipuð fimm tónlistarmönnum sem spila "Víkingtonlist" og spilar sveitin á strengi, flautu og slagverk. Söngvari sveitarinnar er **Magnea Gunnarsdóttir** í Práandarholti. Korka fékk styrk sem nam kr. 300.000,- Styrkveitingar fóru fram í Vestmannaeyjum 7. maí sl. og veitti Eypór Brynjólfsson styrkjunum tveimur viðtöku.

Menningarstyrkur 2009

Menningarráði Suðurlands
er það mikil ánægja að veita

„Undan öskunni“, áhugahópi
um sögu og menningu í
Þjórsárdal

750.000 kr. styrk til verkefnisins:
Leikverk um Gauk á Stöng.

Megi framlag þetta efla og
styrkja starfseminu.

Selfossi, 7. maí 2009

F. h. Menningarráðs Suðurlands

Hönnu Sigrún Þorvald
Hönnu Sigrún Þorvald, formaður



Peyr frá Neðra - Seli

Verður til afnota í Borgarkoti á Skeiðum sumarið 2009. Peyr er 3ja vetra stóðhestur undan 1v hryssunni Þrumu frá Sælukoti og hæst dæmda stóðhesti á Íslandi Stála frá Kjarri.

Peyr er bleikálóttur vindóttur alhliða gengur hestur með allan gang hreinan, fallega byggingu og frábært geðslag.

Allar upplýsingar um hestinn og notkun í síma 486 5558 og 861 7458 á kvöldin

Verð fyrir toll og hagagöngu aðeins 25.000 + VSK



Meike Witt sendi þessa skemmtilegu mynd frá lokakvöldi þýskunámskeiðs í Glóruhlíð sem hún og Kirsten á Leiti stóðu fyrir nýverið.

Útikennsla og skógarvinna

Pjórsárskóli mun áfram leggja mikla áherslu á útikennslu og skógarvinnu. Það verður sérstaklega gert með því að efla þann þátt sem snýr að uppbyggingu skólalóðarinnar og að nýta skógarafurðir í kennslu í samræmi við samning við Skógrækt ríkisins. Markmiðið er að nemendur komi að vinnu og framkvæmdum á skólalóðinni þannig að þau komi með tillögur, hanni og vinni við uppsetningu á lóðinni sinni. Síðustu daga hefur starfslið skólans undirbúið sig fyrir nokkur verkefni næsta vetrar. Tveggja daga námskeið fór í að læra réttu handbrögðin, búa til fyrirmyndir að verkefnum, sækja efni í raunveruleg verkefni eftir hugmyndum nemenda og leggja grunn að verkefnum næsta skólaárs. Ætlunin er að efla enn meira skógarverkefni inn í allar greinar skólans. Þannig voru útbúnir stafakubbar til að nota við stafainnlögn og í lestrarkennslu og lögð drög að skjólflettum og kennslutækjum. Starfsliðið var ótrúlega kraftmikið og útsjónarsamt í vinnunni.



Stundatafla Pjórsárskóla næsta skólaár.

Við stundatöflugerð var samræmdur viðverutími nemenda í skólanum við töfluna í Flúðaskóla og út frá æfingatímum barnanna í íþróttum. Eldri nemendur gefst kostur á því að nýta sér skólabíla á Flúðir til að sækja æfingar eftir skóla hér. Þannig ljúka yngri nemendur skóladegi á hádegis á mánudegi, en þeir eldri á bilinu 14-14,30, misjafnt af því þeir enda daginn í sundi í Brautarholti. Allir nemendur eru til 14,30 á þriðjudögum og miðvikudögum og kl. 13,20 á fimmtudögum og 12,30 á föstudögum. Auðvitað getur orðið breyting á einhverjum mínútum til eða frá.



Viðurkenningar og verðlaun á skólaslitum

Sundkeppni skólans var háð í lok skólaársins. Það voru nemendur í 5.-7. bekk sem syntu bringu- og skriðsund og samanlagður tími beggja greina réði úrslitum.

Þetta árið vann Sandra Dögg Eggertsdóttir stúlkurnar, önnur var Margrét Hrund Arnarsdóttir og þriðja var Andrea Ýr Úlfhéðinsdóttir. Úrslit strákanna voru þau að Nikulás Hansen Daðason var efstur, svo kom Eypór Hjörvarson í öðru sæti og Hinrik Örn Lárusson í þriðja.

Í vetur endurvöktum við skákkeppni skólans og varð Andrea Ýr Úlfhéðinsdóttir skákmeistari Þjórsárskóla 2009.

Einn nemandi af hvoru stigi var valinn fyrir einstakan árangur í félagsfærni. Þessir nemendur hafa sýnt hjálpsemi við samnemendur sína, kurteisi við kennara og nemendur, verið til fyrirmyndar í ferðum skólans og á alla lund til fyrirmyndar í félagslegum samskiptum. Viðurkenningarnar hlutu Baldvin Eiríksson í 7. bekk og Ljósbrá Loftsdóttir í 3. bekk.



Síðustu skóladagarnir

Síðustu skóladagana í vor var mikið um viðburði hjá nemendum eftir að þau luku námsmati. Yngri nemendur heimsóttu fjárhúsið í Geldingaholti, skoðuðu fiska í Grænuhlíð, heimsóttu bókasafnið og Kertasmiðjuna. Eldri nemendur óðu Kálfá, skoðuðu Gullfoss og Geysi og settu niður kartöflur. Allir nemendur unnu við gróðursetningu, hlúðu að plöntum sem fyrir eru við skólann og léku sér saman í góðu veðri. Þetta var skemmtilegt vor í skólanum.



Þakka ykkur fyrir veturinn og njótið sumarsins.

Með kveðju,

Ingibjörg María, skólastjóri



51. fundur var haldinn í hreppsnefnd Skeiða- og Gnúpverjahrepps þriðjudaginn 2.júní 2009 kl. 10:30 í Árnesi. Mættir voru: Gunnar Örn Marteinsson, oddviti, Ingvar Hjálmarsson, Tryggvi Steinarsson og Björgvin Skafti Bjarnason sem jafnframt ritaði fundargerð. Oddviti setti fund og athugaði hvort einhverjar athugasemdir væru við boðun fundarins en þær voru ekki. Oddviti óskaði eftir breytingum á dagskrá sem var samþykkt.

1. Umsögn frá Matvælastofnun vegna dreifingar kjötmjöls í Þjórsárdal. Sveitarstjórn hafnar því að kjötmjöli sé dreift í Þjórsárdal, þar sem hún telur ekki tryggt að búfé komist ekki á svæðið, og minnir á reglugerð 820/2007, 5.mgr. 8. gr.
2. Erindi frá samgönguráðuneyti vegna markaðsstyrkja. Ráðuneytið fellir umfjöllun máls niður þar sem sátt hefur náðst milli Skeiða- og Gnúpverjahrepps annars vegar og Ketilhóls ehf. og Kálfhóls ehf. hins vegar.
3. Bréf frá umhverfisnefnd Þjórsárskóla. Sveitarstjórn fagnar bréfi umhverfisnefndar Þjórsárskóla þar sem hugmyndin er að gera bækling um flokkun sorps og dreifa til íbúa sveitarfélagsins, og mun vera í samstarfi við nefndina.
4. Erindi frá Kvenfélagi Gnúpverja vegna aðstöðu í Árnesi. Oddviti falið að ræða við kvenfélagið.
5. Ósk um umsögn vegna umsóknar Björns Jónssonar um reksturs gististaðar í flokki II, um er að ræða sumarhús, gististaður án veitinga. Sveitarstjórn gerir ekki athugasemd við umsóknina.
6. Umsókn um styrk vegna skólahreysti 2009. Samþykkt að veita 50.000 kr. til verkefnisins.
7. Fundargerð félagsmálanefndar 113.fundur. Fundargerð samþykkt.
8. Samráðsfundur Þjórsársveita og Ölfus vegna orkumála. Sveitarstjórn Skeiða- og Gnúpverjahrepps áréttar að framtíð Þjórsársveitarverkefnisins sé ákveðið áður en rætt sé við aðra aðila.
9. Fundargerð Atvinnuþróunarfélags Suðurlands 284.fundur. Lögð fram.
10. Fundargerð Skólaskrifstofu Suðurlands 114.fundur. Lögð fram.
11. Fundargerð stjórnar SASS 423.fundur. Lögð fram.
12. Fundagerðir Sorpstöðvar Suðurlands fundagerðir nr. 170 og 171. Fundargerð 170 samþykkt. Fundargerð 171. Bókun: Hreppsnefnd Skeiða- og Gnúpverjahrepps leggur til við stjórn Sorpstöðvar Suðurlands að fallið verði frá ákvörðun um byggingu móttöku- og flokkunarstöðvar en frekar verði leitað að landi undir urðun á starfssvæðinu.
13. Málefni skóla og skólamötuneytis. Ingibjörg María skólustjóri Þjórsárskóla kom á fundinn kl: 12.30 og ræddi mál skólans og skólamötuneytis við sveitarstjórn. Oddviti og skólustjóra falið að undirbúa samning vegna skólamötuneytis og leggja fyrir næsta fund. Úlfhéðinn Sigurmundsson kom á fund kl: 13 sem varamaður Jóns Vilmundarsonar. Ingibjörg vék af fundi

14. Drög að samningi við Íslenska Gámafélagið varðandi sorphirðu.
Sveitarstjórn samþykkir að fela oddvita að ganga frá fyrirbyggjandi samningi.
Pétur Ingi Haraldsson skipulagsfulltrúi mætti á fundinn, kl: 13.10
15. Úrskurður samgönguráðuneytis vegna stjórnsýslukæru Sigmundar Magnússonar og Guðlaugar Sigurgeirsdóttir gegn Skeiða-og Gnúpverjahreppi. Pétur fór yfir úrskurðinn. Úrskurður lagður fram til kynningar.
16. Erindi frá umhverfissráðuneyti vegna breytinga á aðalskipulagi sveitarfélagsins hvað varðar virkjanir í neðri Þjórsá, einnig lagt fram svar lögmans sveitarfélagsins vegna erindisins. Þá er lagt fram afrit af tölvupóstum milli ráðuneytisins og lögmansins um viðbrögð við erindinu. Loks er lögð fram drög að fundarboði íbúafundar vegna málsins. Sveitarstjórn samþykkir að halda íbúafund þann 10. júní kl: 20.30 í Árnesi, um breytingar á Aðalskipulagi Skeiða- og Gnúpverjahrepps 2004 - 2016, Hvamms- og Holtavirkjun, í samræmi við leiðbeiningar Umhverfissráðuneytisins.
17. Greint frá fundi með fulltrúum eigenda á Skriðufelli vegna lokunar á umferð um land Skriðufells. Málið rætt.
18. Fundargerð skipulags og byggingarnefndar nr. 13 frá 29.05.2009.
Fundargerð samþykkt.
19. Kosning oddvita og varaoddvita, einnig kosning þriggja fulltrúa á aðalfund samtaka sunnlenskra sveitarfélaga samkvæmt 51.gr.fundarskapa Skeiða-og Gnúpverjahrepps. Gunnar Örn Marteinsson kjörinn oddviti með 4 atkvæðum. Skafti situr hjá. Jón Vilmundarson kjörinn varaoddviti með 4 atkvæðum. Skafti situr hjá. Þrír fulltrúar á aðalfund samtaka sunnlenskra sveitarfélaga: Aðalmenn: Gunnar Örn Marteinsson, Tryggvi Steinarsson og Björgvin Skafti Bjarnason. Varamenn: Ingvar Hjálmarsson, Jón Vilmundarson og Jóhanna Lilja Arnardóttir.
20. Starfssamningur við oddvita. Gunnar Örn vék af fundi á meðan fjallað var um starfssamning. Tryggvi Steinarsson tók við stjórn fundarins á meðan.
Sveitarstjórn samþykkir samninginn.
21. Ársreikningur Skeiða-og Gnúpverjahrepps fyrir árið 2008 seinni umræða, fundargögn lögð fram á síðasta fundi.
Helstu niðurstöður A og B hluta eru eftirfarandi.
Rekstrarreikningur
Rekstrartekjur kr. 384.953.380
Rekstrargjöld kr. -358.416.705
Fjármagnsgjöld kr. -25.002.026
Tekjuskattur kr. -176.945
Rekstrarniðurstaða kr. 1.357.704

Efnahagsreikningur

Fastafjármunir kr.339.915.657

Veltufjármunir kr.132.899.636

Eignir samtals kr.472.815.293

Skuldir og eigið fé

Eiginfjárreikningur kr. 346.709.930

Langtímaskuldir kr. 69.938.614

Eigið fé og skuldir samtals kr.472.815.293

Samkvæmt sjóðstreymisýfirliti nam veltufé frá rekstri árið 2008 kr.24.736.610

Ársreikningur samþykktur.

22. Uppgjörsmál vegna kirkjugarðs á Stóra Núpi. Þann 11. apríl 2006 var samþykkt í sveitarstjórn að leggja til 9.000.000 kr. til framkvæmda við kirkjugarðinn á Stóra- Núpi. Í fjárhagsáætlun þessa árs er samþykkt upphæð kr. 1.500.000 með því er samþykkt fyrir u.p.b. 4.7 milljónum. Afgangi af níu milljónunum er vísað til endurskoðunar fjárhagsáætlunar.
23. Farið yfir viðhaldsmál á eignum sveitarfélagsins og ákveðið hvað skuli gert í þeim málum á þessu ári. Minnisblað frá oddvita lagt fram. Samþykkt að vinna eftir því.
24. Afgreiðsla á styrk úr landbótasjóði. Lögð fram.
25. Erindi frá Orkustofnun vegna vatnsverndarsvæða. Hreppsnefnd samþykkir að vísa erindinu til skipulagsfulltrúa.
26. Nefndarskipan.
- | Fulltrúar í vinabæjarnefnd: | Fulltrúar í 17. júní nefnd: |
|------------------------------------|------------------------------------|
| Dorothe Lubecki | Ari Einarsson |
| Sigríður Pétursdóttir | Eypór Brynjólfsson |
| Valgerður Auðunsdóttir | Kristjana Gestsdóttir |
| Helga Guðlaugsdóttir | Hulda Þorláksdóttir |
| Meike Witt | Vilhjálmur Andri Vilhjálmsson |

Fleira ekki gert. Fundi slitið kl. 15.40

Til sölu

Kæliskápur, 180 cm á hæð, 6-7 ára gamall til sölu.

Fæst fyrir 65 þúsund krónur.

Einnig til sölu uppþvottavél og bakaraofn, fæst fyrir lítið.

Upplýsingar gefur Hrafnhildur á Stöðulfelli í síma 8624452

Barnapössun

Lilja Kristín og Hrafnhildur Jóhanna bjóðast til að passa börn í sumar til um miðjan ágúst. Við höfum reynslu og erum ábyrgðafullar og snyrtilegar.



Upplýsingar í síma 486-6093(Lilja) 486-6097(Hrafnhildur)

Félagsþjónusta í uppsveitum Árnessýslu og Flóa.

Afleysingar við félagslega heimþjónustu.

Lifandi og skemmtilegt starf.

Óskað er eftir einstaklingi í sumarafleysingar við félagslega heimþjónustu. Starfið felst í heimilishjálpi s.s. þrífum o.fl. í heimahúsum. Leitað er eftir jákvæðum og hressum einstaklingi sem á auðvelt með að starfa sjálfstætt.

Viðkomandi þarf að hafa bíl til umráða.

Nánari upplýsingar gefa Nanna Mjöll Atladóttir, félagsmálastjóri og Sigrún Símonardóttir hjá Félagsþjónustu uppsveita Árnessýslu og Flóa, Heilsugæslustöðinni í Laugarási, í síma: 480-5305.

Óskilamunir

Í maí tapaðist blár Hummel jakki, léttur vindjakki með svörtu stroffi og rennilás í hálsmálinu í stærð 8 ára og svört húfa með mynd af skíðagleraugum.

Eygló 894 0331

Trjáplöntur



Til úthlutunnar eru trjáplöntur á vegum Skógræktarfélags Árnesinga.

Upplýsingar gefur Oddur á Stöðulfelli í síma 8654449



Sumarlokun Skrifstofu hreppsins

Skrifstofa Skeiða- og Gnúpverjahrepps
verður lokuð frá **13. júlí til og með 3. ágúst.**

Ingvar Hjálmarsson í Fjalli sér um fjallaskálana,
á báðum afréttum, sími hjá honum er 891-9597.

Hægt verður að ná í starfsmann Áhaldahússins
í síma 893-4426

Eins er hægt að ná í oddvita í síma 895-8432
ef nauðsyn krefur, meðan skrifstofan er lokuð.

Oddviti

Viola Snyrtistofa á Flúðum

Högnastíg 1

Eftirfarandi meðferðir eru í boði:

Andlitsböð

Húðhreinsun

Litun og plokkun

Handsnyrting

Fótsnyrting

Förðun

Vaxmeðferð



Hef til sölu húðvörur fyrir bæði dömur og
herra frá GUINOT og förðunarvörur frá

NO NAME

Tímapantanir í síma 566-8342 og 856-1599

Frá Félagsheimilinu Árnesi

Óskum eftir að fá til baka alla **brúnu viðarbakkana og hvítu eldföstu mótin** sem kvenfélagið keypti á sínum tíma.

Jóhanna og Bergleif.

Hross í hestaferðir

Hestaleiguna í Steinsholti vantar nokkur hross í ferðir í sumar annað hvort í stakar ferðir eða í allt sumar. Ekki er greidd leiga fyrir hrossin en við miðum við að skila hrossunum í góðu standi og vel járnudum ætli eigendurnir sér að nota hrossin áfram í sumar. Það er okkar markmið að nýta hrossin hóflega og ofgera þeim ekki enda er það okkar vörumerki að hafa fersk og skemmtileg hross. Undanfarin ár hefur selst þó nokkuð af hrossum í ferðum hjá okkur. Rauða merin sem hvarf hjá okkur í fyrra haust hefur hvorki fundist lífs eða liðin.

Upplýsingar gefa Kari í síma 847 7627 og Gunnar Örn í síma 863 8270.

Kær kveðja frá Steinsholti II

Kertasmiðjan Brautarholti

kerti – skreytingar - veitingar – sjoppa –
tjaldstæði - bílaþvottaplan

Opið í sumar

mánudag – fimmtudag 10:00 – 18:00

föstudag – sunnudag 10:00 – 20:00

<http://www.kertasmidjan.is>

Menn og málefni



Föstudaginn 22. maí voru 130 nemendur brautskráðir frá FSu.

Er þetta fjölmennasti útskriftarhópurinn frá upphafi. Úr Skeiða- og Gnúpverjahreppi brautskráðust eftirfarandi nemendur.

Bjarni Rúnarsson	Reykjum	Náttúrufræðibraut
Bryndís Oddsdóttir	Stöðulfelli	Náttúrufræðibraut
Erna Dögg Úlfhéðinsdóttir	Haga	Náttúrufræðibraut
Haraldur Ívar Guðmundsson	Reykhóli	Náttúrufræðibraut
Hulda Einarsdóttir	Hamragerði 11	Félagsfræðibraut
Jóna Sif Leifsdóttir	Hlemmiskeiði	Viðbótarnám til stúdentsprófs að loknu námi af sjúkraliðabraut.
Viðar Stefánsson	Ásaskóla	Málabraut
Ingvar Práandarson	Práandarholti	Meistaránám í Húsasmíði
Sóley Hrund Viðarsdóttir	Selfossi (áður til heimilis í Ártúni)	Starfsbraut

Frá Háskóla Íslands útskrifast eftirfarandi nemendur 20. júní.

Jóhanna Lilja Arnardóttir	Brautarholti	Diplomanám í opinberri stjórnáðvala
Póra Gylfadóttir	Sléttabóli	Grunnskólakennarapróf af menntafræðingum
Jóhanna Valgeirsdóttir	Brautarholti	Diplomanám til meistaraáðvala í öldrunarfræðum

Frá Tækniskólanum útskrifuðust þann 23. maí:

Gísli Viðar Oddsson	Stöðulfelli	Vélfræðingur og rafvirkir
Atli Eggertsson	Knarrarholti	Vélfræðingur og rafvirkir
Atli fékk verðlaun fyrir næstbesta heildarárangur í nýsameinuðum skóla. (Fjöltækniskólinn, Flugskólinn og Iðnskólinn).		

Eftirfarandi nemendur luku nú grunnskólanámi frá Flúðaskóla:

Ástrós Ýr Eggertsdóttir,	Kálfhóli.
Glódís Auðunsdóttir,	Húsatóftum.
Ingibjörg Sæunn Jónsdóttir,	Skeiðháholti.
Ingvar Már Guðjónsson,	Bugðugerði 7a.
Jakob Þór Eiríksson,	Vorsabæ.
Lovísa Einarsdóttir,	Heiðarbrún.
Ólöf Ósk Birgisdóttir,	Hrauntegi.
Rakel Ósk Sigurðardóttir,	Laxárdal.
Sigurður Kristmundsson,	Haga.



Stóðu þau sig
öll með
miklum sóma.

Frá Landbúnaðarháskólanum á Hvanneyri útskrifuðust í vor:

Einar Kári Magnússon Hamratungu Bs gráða í búvísindum.

Sveinn Rúnar Ragnarsson frá Akurnesi í Nesjum unnusti Ragnheiðar Másdóttur í Háholti einnig með Bs í Búvísindum.

Markvert og merkilegt / Menn og málefni.



Ef einhverjir luma á upplýsingum um eitthvað markvert eða merkilegt svo sem af útskrift og námsárangri sveitunga og af nýjum ríkisborgurum, svo eitthvað sé nefnt, má gjarnan senda umsjónarmanni póst á netfangið helga@skeidgnup.is

-Umsjónarmaður

Frá Félagsheimilinu Árnesi

"Nú er lag" í Árnesi.

Fimmta og síðasta hátíð Félags Harmonikkuunnenda verður haldin í Árnesi 31. júlí - 3. ágúst. Dansleikir öll kvöldin.

Nánari dagsskrá auglýst síðar.



Ágætu sveitungar!

Vinna er hafin við nýja heimasíðu sveitarfélagsins. Fallegar myndir vantar úr sveitinni, af landslagi eða öðru því sem gaman væri að hafa þar. (Getum skannað þær ef við fengjum þær lánaðar.) Í ráði er svo að setja sem mest af upplýsingum um það sem sveitin hefur upp á að bjóða í þjónustu og öðru sem okkur finnst upplýsandi og aðlaðandi fyrir sveitarfélagið en ef fólk er á móti því að fyrirtæki þeirra eða annað er lítur að þeim sé skráð þar, biðjum við viðkomandi um að hafa samband. Allar hugmyndir vel þegnar og góðfúslega hafið samband í síma 486-6014 eða sendið tölvupóst á kidda@skeidgnup.is

Oddviti Skeiða- og Gnúpverjahrepps.

Hitt og þetta.

Skeiða-og Gnúpverjahreppur er í vinabæjarsambandi við Vestvågen í Noregi, núna í maí kom þaðan hópur af skólakrökkum sem eru í tíunda bekk. Krakkarnir höfðu verið í samskiptum við jafnaldra sína héðan úr sveitarfélaginu, milligöngu um þau samskipti hafði Hjalti Jón Sigurðsson sem séð hefur um félagsmiðstöðina á Flúðum. Einnig kom Ásborg ferðamálafulltrúinn okkar að undirbúningnum. Með hópnum komu einnig nokkrir foreldrar þar á meðal einn sem hefur verið einn helsti hvatamaður af vinabæjarsamstarfinu. Þarna gafst smá tími til að ræða um framtíð þessa vinasamstarfs við nýskipaða vinabæjarnefnd sem skipuð var á síðasta sveitarstjórnarfundi. Svona vinabæjarsamband þrífst ekki nema íbúarnir hafi áhuga á því, ég held að það sé ekki á neinn hallað þó ég nefni nafn Sigríðar Pétursdóttir á Ólafsvöllum í þessu sambandi en hún hefur sýnt þessum málum mikinn áhuga og haldið uppi sambandi við Norðmennina. Sigríði er margt til lista lagt, framlag hennar til bjargar íslenska hundinum verður seint full þakkað, þó undirritaður sé ekki mikill áhugamaður um þetta hundakyn þá kunna margir að meta það. Gaman er að sjá þegar maður ferðast um og hittir eigendur íslenskra hesta erlendis hvað margir þeirra telja það hluta af sínu lífsmynstri að eiga íslenska hunda.

Talandi um hesta þá er það ánægjulegt að sjá hvað mörgum af sveitungum okkar gengur vel í þessari grein. Hestamennska bæði til ræktunar, sölu og ferðamennsku er orðin talsverð atvinnugrein í okkar sveitarfélagi og er góð viðbót við búskapinn á svæðinu.

Hermann Kristjánsson sem ætlar að vera í kertasmiðjunni í sumar kom að máli við mig með góða hugmynd, en hún er sú að búa til stórt kort af sveitarfélaginu og hafa utaná kertasmiðjunni. Mér finnst þessi hugmynd mjög góð, og hvet alla sem eru með góðar tillögur um það sem lífgar uppá samfélagið að hafa samband og vita hvort við getum ekki gert eitthvað í að þoka því áfram.

Eins og flestum er kunnugt þá voru byggðar leiguíbúðir í Árnesi og Brautarholti, mikið hefur skort uppá að þeir sem að byggingunum stóðu hafi gengið sómasamlega frá lóðunum í kringum íbúðirnar, þá sérstaklega í Brautarholti. Sveitarfélagið leitar nú leiða til að þrýsta á um að lokið verði við frágang á lóðum, það er óþolandi fyrir aðra íbúa á svæðinu að horfa uppá þetta eins og það er.

Vinnuskólinn er byrjaður og eru sjö unglingar sem verða í vinnu þar í sumar. Vinnuskólinn er undir umsjá áhaldahússins þar sem Ari Einarsson stjórnar skútunni og ferst það vel úr hendi.

Ragna Hjördís hefur hætt störfum á skrifstofu sveitarfélagsins og eru henni þökkúð vel unnin störf á undanförnum árum, óska ég henni alls hins besta í framtíðinni og veit að henni á eftir að ganga vel í því sem hún tekur sér fyrir hendur. Kristjana Gestsdóttir hefur verið ráðinn í hennar stað og er hún boðin velkominn til starfa. Eins og allir vita þá hefur Þuríður Jónsdóttir unnið um árabíl á skrifstofunni og staðið sig með miklum sóma og hefur raunar oft þurft að sjá um hluti sem ekki eiga að þurfa að vera á hennar könnu. Markmið sveitarstjórnar er að skrifstofan geti starfað eðlilega þó skipt sé um sveitastjórnir og fólk í brúnni.

Það sem er nýtt í viðhalsmálum er að byrjað verður fljótlega á að laga félagsheimilið Árnes að utan en það hús er mjög illa farið og þarfnast mikils viðhalds. Verið er að gera ákveðnar lagfæringar á Heiði en til stendur að skólastjórinn flytji í það húsnæði. Þrátt fyrir þrengingar í þjóðfélaginu um þessar mundir telur sveitarstjórn að hægt verði að sinna eðlilegum viðhalsmálum í framtíðinni, í þeim efnum er af nægu að taka, ber þar hæst viðgerð á Árnesi, Skeiðalaug, og skipta um járn á þaki grunnskólans.

Þeir fáu sem en eru að lesa finnst ábyggilega nóg komið, þannig að ég hætti núna og óska ykkur alls hins besta og vona að þið njótið sumarsins.

Kær kveðja.

Gunnar Örn Marteinsson.

Oddviti Skeiða- og Gnúpverjahrepps.

Ekkert Fréttabréf kemur út í júlí

Næsta Fréttabréf kemur út föstudaginn 14. ágúst

Skilafrestur efnis er til mánudagsins 10. ágúst.

Umsjón með fréttabréfinu hefur Helga Kolbeinsdóttir - helga@skeidgnup.is

Ábyrgðarmaður er Gunnar Örn Marteinsson Oddviti

Skrifstofa Skeiða- og Gnúpverjahrepps er opin mánudaga-fimmtudaga frá kl. 9-12 og 13-15. Sími 486-6014 Fax 486-6091 www.skeidgnup.is

Opnun sundlauga í Skeiða- og Gnúpverjahreppi

Sumaropnun: 30. Maí– 23. Ágúst 2009

Skeiðalaug

Neslaug

Mánudaga: 13 - 18

13 - 21

Þriðjudaga: 13 - 21

13 - 18

Miðvikudaga: 13 - 18

13 - 21

Fimmtudaga: 13 - 21

13 - 18

Föstudaga: 13 - 18

13 - 18

Laugardaga: 10 - 18

10 - 18

Sunnudaga: 10 - 18

10 - 18

4 kettlingar fást gefins.

Upplýsingar veitir Jóhanna í
síma 486-6048




Vöndull
FLUTNINGAÞJÓNUSTA
Sími 856 1580

VÖNDULL ehf


VÖRUFLOTNINGASTÓÐIN

FLUTNINGAÞJÓNUSTA Í ÁRNESSÝSLU.

Brottför frá Reykjavík, Skútuvogi 13. sími: 533 2211.

Mánudaga til föstudaga kl. 13:00,

Á Selfossi hjá Húsasmiðjunni og Byko kl. 14:00.

Einnig hjá öðrum fyrirtækjum eftir þörfum.

Upplýsingar í síma: 856 1580 Unnar

856 1581 Stefán

Kvennareiðtúr 2009

Hinn árlegi kvennareiðtúr verður farinn 19. Júní.

Lagt verður af stað frá Birkikinn kl. 15:00. Farið fram að Hæli, upp á Hlíðarkistu og inn Steinsholtsfjall og endað í Birkikinn. Áætlaður reiðtími eru 3 tímar og verður Lilja Loftsdóttir fararstjóri.

Mögulegt að koma með hross daginn áður og geyma í Birkikinn.

Að venju mun hin óviðjafnanlegi Grillvagn sjá um matinn og verður borðað við fjárhúsið í Birkikinn.

Skráning fyrir 17. júní hjá Bente
892 0626 og Eygló 894 0305



Fréttatilkynning.

Hátíð í Skaftholtréttum sunnudaginn 26. júlí í sumar.

- ♦ Fögnum saman endurgerð réttanna og umtalsverðum bótum á umhverfinu.
- ♦ Samtakamátturinn við þetta verkefni hefur verið ótrúlegur.
- ♦ Sitthvað verður boðið upp á í réttunum þennan hátíðardag þegar við afhendum réttirnar.
- ♦ Tökum daginn frá. Allir velkomnir og gleðjumst saman.

Vinir Skaftholtsrétta.

Fréttir frá foreldrafélagi Þjórsárskóla.

Aðalfundur félagsins var haldinn 6. maí 2009. Á fundinn mættu tveir foreldrar, 3 úr stjórn félagsins og skólastjóri. Einar Bjarnason og Hulda Margrét Þorlákisdóttir gengu úr stjórn. Ný í stjórn voru kosin Matthildur E. Vilhjálmsdóttir, Sigurður U. Sigurðsson og Þórey Ragnheiður Guðmundsdóttir.

Ný stjórn hélt sinn fyrsta fund 14. maí 2009 og kom sér saman um eftirfarandi verkskipan:

Þóra Gylfadóttir, formaður

Sigríður Björk Marinósdóttir, gjaldkeri

Matthildur E. Vilhjálmsdóttir, ritari

Sigurður U. Sigurðsson, meðstjórnandi

Þórey Ragnheiður Guðmundsdóttir, meðstjórnandi.



Nokkrir punktar frá þeim fundi:

Þóra og Sirrý greindu nýjum stjórnarmönnum frá fjárhagsstöðu félagsins, hvernig tekna væri aflað og hvað foreldrafélagið hafði gert í vetur. **Fram kom t.d. að einungis helmingur foreldra hefðu greitt árgjald.**

Þóra og Sirrý fóru yfir punkta frá síðasta aðalfundi og ýmis mál sem foreldrum er ofarlega í huga varðandi skólastarfið. T.d. hvað varðar samskipti milli heimila og skóla og upplýsingaflæði frá skóla til foreldra, hvernig foreldrafélagið skuli koma að fjáröflun vegna ferða nemenda og að hinum ýmsu uppákomum í skólastarfinu, hvernig stuðla skuli að bættu félagslífi innan skólans, hvernig hátt skuli bekkjamyndatöku sem og kennslu á öskudegi svo eitthvað sé nefnt.

Rætt var um gögn sem fylgja félaginu, t.d. reikninga, fundagerðir, lög félagsins o.fl. Slík mál virðast ekki í nægjanlega góðu lagi og grafa þarf ýmislegt upp í því sambandi.

Niðurstaða nýrrar stjórnar í kjölfar ofangreindrar umræðu:

- Upplýsa þarf foreldra um störf foreldrafélagsins. Ákveðið var að fá aðgang að heimasíðu skólans þar sem koma má skilaboðum og fréttum á framfæri frá stjórn félagsins til foreldra og kennara. Einnig að nýta fréttabréf hreppsins.
- Rætt var um hætta að rukka árgjald og að foreldrar greiddu þess í stað að fullu fyrir þær uppákomur og skemmtanir sem foreldrafélagið stæði fyrir, t.d. leikhús, því ekki væri hægt að láta örfáa foreldra niðurgreiða slíkt starf..
- Rætt um að stuðla að því að nemendur elstu bekkjanna (5. – 7.) og foreldrar þeirra kæmu að fjáröflun þar sem megnið að ráðstöfunarfé félagsins er notað til að styrkja ferðir þessara bekkja.
- Stjórnin var sammála um að eðlilegt væri að ljósmyndari væri fenginn árlega í skólann og það væru 1. 4. og 7. bekkur sem væru myndaðir.

- Lagt var til að stjórnin myndi funda fljótlega með skólastjóra varðandi umræðupunkta frá síðasta aðalfundi, sem og varðandi skólastarfið komandi vetur og hvernig haga skuli þátttöku foreldrafélagsins í því starfi. Einnig að nauðsynlegt væri að koma á reglulegum fundum með skólastjóra, t.d. á tveggja mánaða fresti, varðandi hin ýmsu mál.
- Ákveðið var að fara í það finna gamlar fundargerðir, lög félagsins, reikninga og koma einhverju skipulagi á þau mál.

Þann 19. maí 2009 var haldinn fundur með Ingibjörgu Maríu skólastjóra. Farið var yfir efni fundargerðar frá 14. maí 2009 og ýmsa umræðupunkta frá síðasta aðalfundi. Einnig var rætt um samstarf foreldrafélags og skóla næsta vetur.

Nokkrir punktar frá þeim fundi:

- Ákveðið var að foreldrafélagið yrði ekki með kaffisölu á skólaslitum, þann 29. maí.
- Rætt var um hugsanlegt samstarf foreldra og skóla í tengslum við útikennslu í Þjórásárdal.
- Fjáröflun. T.d. rætt um að standa aftur fyrir flóamarkaði og að 6. og 7. bekkur hafi umsjón með þeirri fjáröflun.
- Á heimasíðu Þjórásarskóla er svæði fyrir foreldrafélag til að koma upplýsingum og skilaboðum til foreldra og kennara.
- Rætt var um að eðlilegt væri að foreldrar séu alltaf velkomnir í ferðir og á þær uppákomur sem skólinn stendur fyrir og að hvetja skuli þá til þátttöku.
- Ákveðið var að stjórn foreldrafélags myndi funda með skólastjóra við upphaf skólaárs, um miðbik þess og á vorönn. Oftar ef þurfa þykir.
- Farið var lauslega yfir gögn sem tilheyra foreldrafélaginu. Þar á meðal *Lög fyrir Foreldra og kennarafélag Gnúpverjaskóla*, sem eru ódagsett og ekki er fyllilega ljóst hvort umrædd lög séu þau sem félagið starfar eftir í dag. Skoða þarf betur fundargerðarbók og fara yfir breytingar sem gerðar hafa verið á lögum og útbúa nýtt plagg í samræmi við þær.
- Ingibjörg María sagði frá ýmsu sem tengdist skólastarfinu og því sem gert var í vetur.

Eins og fram kemur hér að ofan hefur foreldrafélagið nú sitt svæði inni á heimasíðu Þjórásarskóla þar sem fréttir og tilkynningar frá félaginu munu verða birtar, en væntanlega líka víðar, t.d. í fréttabréfi hreppsins. Í haust munum við t.d. setja inn upplýsingar varðandi starfsemi foreldrafélagsins komandi skólaár og hvernig foreldrar munu koma að því starfi.

Ef einhverjir fyrrverandi nefndarmen eiga í fórum sínum gögn og upplýsingar sem tengjast starfi foreldrafélagsins eru þeir vinsamlegast beðnir um að koma þeim til stjórnar.

Með kveðju,
Matthildur Elísa Vilhjálmsdóttir, ritari.

Lestrarfélag
Skeiða- og Gnúpverjahrepps
Bókahúsinu Brautarholti



bokasafn@skeidgnup.is

S: 486-5505



Sumarlokun

Bókasafnið verður lokað frá og með 1. Júní.
Nýr og breyttur opnunartími verður auglýstur síðar.

Frá Félagsheimilinu Árnesi

Tíunda og síðasta Kanarí hátíðin í Árnesi

Verður haldin helgina 3-5 júlí.

Á föstudagskvöldinu spila FJÖRKÁLFARNIR - Ingvar Hólmgeirs, Siggi Hannesar, Þorvaldur Skafta og fleiri.

Á laugardag kl. 12.00 verður farið í skoðunarferð um Þjórsárdalinn með Gauk travel og verður Eyþór Brynjólfsson leiðsögumaður.

Kl. 19:00 Hátíðarhlaðborð að hætti Bergleifs 1. og jr. Fjöldasöngur glens og gaman. (Leynigestur)

Kl. 23-03 Stórdansleikur með Geirmundi Valtýs.

Við minnum á búrekstrarvöruverslun okkar

Þar höfum við meðal annars til sölu:

Kálfaduft tvær gerðir, startfóður (musli) fyrir ungkálfa og framhaldsfóður fyrir eldri kálfa.

Propylenglycol - súrdoðaorkuskotið.

Einnig hestakjarnfóður í 25 kg. pokum

Verið velkomin

Kálfafóður



Vitalic - hestaköggjar



Fjölbreytt úrval festinga


Eigum ávallt á lager milligerðir, átgrindur, milligrindur, gerðisgrindur, steinbíta, gúmmímottur og renninga ásamt fleiru í fjósið.



480 5600

landstolpi.is

Á bak við eldavélina



Það er vert að huga að því hvað það er, sem gerir matinn góðan. Ég ætla að hugarfarið við matseldina skipti miklu og mjög miklu máli. Matur sem er gerður í og af hugarfari ástar og umhyggju fer betur í maga en hinn sem verður til án þess. Menn hafa greint að uppbygging vatnins er í grunninn önnur sem er meðhöndlað með kærleiksríku hugarfari en hitt sem fer á mis við það. Þetta greindi fólkið fyrrum í skírnarvatninu og vínið í altarisgöngunni varð með öðru eðli en annað sem fólk neytti. Borðbæn fyrir máltíð er í blessunaratferli og hefur áhrif bæði inní manninn og útfyrir.

En hér er tvennt sem ég myndi bjóða Gerhard í Skafholti upp á ef hann kæmi svangur í bæinn.

- Stór pottur dreginn fram. Í hann eru settir af umhyggju 17,5 lítrar af vatni, 7 kg af hreinu vel skornu og snöggsteiktu lambakjöti (helst af tveimur lærum). 14 laukar brytjaðir niður, ásamt 7 dósum af góðu tómát puree, 28 súputeningar (eða ígildi) sem ekki innihalda E-621 eða slíkt, 14 matskeiðar af paprikudufti, eitthvað af salti, 14 niðurkornar paprikur og 7 kg af brytjuðum karftöflum. Gjarnan mætti setja nokkra hvítlauka (sem reyndar er hrein nauðsyn), slatta af gulrótum, sellerý, eitthvað af steinselju og tómötum. Þetta er síðan smakkað til og soðið þangað til tilbúið er. Þá er komin þessi fína gúllasúpa fyrir 50 manns. Þessi góði réttur gengur undir nafninu „**Gúlassúpa Hafdísar (Ólafsdóttur)**“. Rétt er að benda á að velja lífrænt ræktað hráefni er gerir súpuna betri. Og hvað gerir maður svo. Jú setur súpuna í svona 10 dollur og setur í frystinn. Þá er til reiðu dýrindis gúllasúpa þegar á þarf að halda og mikið hagræði af öllu saman.

Sé hins vegar Gúlassúpan upp urin þá væri hægt að draga fram það sem heitir „**Í einum grænum eftir heyskap**“.

Gulrætur skornar í ræmur og síðan þverrt. Púrrulaukur skorinn í sneiðar. Rauð paprika fundin og hálf tekin í nokkuð þykka bita. Þetta er síðan steikt snögg upp úr grænni ólívu olíu. Síðan er góðri slummu af papriku smurosti sett út í og hitinn lækkaður og örlítið af vatni bætt við og mjólk, saman mælt einn decilíter. Allt er síðan látið kraum um stund. →



Nokkrir blómkálsgeinar settir ofan á. Að síðustu er skinkubítur bætt í og sólblómafræjum og sesamfræjum. Þetta látið krauma áfram stutta stund. Borið fram með nýjum uppteknum (og soðnum) kartöflum úr garðinum, eða pasta sem fannst í skápnum og góðu brauði.

Ég skora á nýjan sveitunga okkar
Meike Witt í Glóruhlíð að koma með
uppskrift í næsta bréf.



Kveðja Axel Árnason Njarðvík, Eystra-Geldingaholti 1

EIMSKIP

Flúðaleið ehf

Landflutningar
SAMSKIP

Brottför frá Flúðum alla virka daga: 7:00-9:00

Brottför frá Reykjavík alla virka daga:

12:00 frá Landflutningum og

13:00 frá Flytjanda

Brottför frá Selfossi alla virka daga: 14:00

Nánari upplýsingar eru hjá Pálmari í síma 892-2370.

Vöruafgreiðsla á Flúðum: 486-1070 fax 486-6693

netfang: fludaleid@simnet.is

Símar hjá bílstjórum:

892-2371- Skeiða- Gnúpverja- og Hrunamannahreppur.

892-2372- Grímsnes, Laugardalur og Biskupstungur.

892-2308- Trailer

892-2316- Trailer

Með von um gott samstarf
Starfsfólk Flúðaleiðar

Happadrætti S.Í.B.S.

Styrkið gott málefni og fáði ykkur miða.

Umboðsmaður Sigrún Fossnesi.

Sími 486-6079 og 895-8079 fossnes@uppsveitir.is

Kvennahlaup 2009

TÖKUM ÞÁTT – HEILSUNNAR VEGNA

Hið árlega **Kvennahlaup ÍSÍ** fer fram **20. júní nk.** að Árnesi kl. **13.30 eh.**

Hægt er að láta skrá sig á staðnum frá kl. 11.30

Boðið er uppá 3 vegalengdir, **2 km, 3 km, og 4,5 km.**

Pú ræður hraðanum sjálf, þú ferð á þeim hraða sem þér hentar best, gengur, skokkar eða hleypur.

Hægt er að skrá sig hjá Dúddu frá 6. júní í sínum 861-0015 og 486-6025.

Það eru allar konur velkomnar, það er ekkert aldurstakmark!

Hressing er að hlaupi loknu.

Það er frítt í sund fyrir þátttakendur.

Ég vil minna konur á að til að tryggja sér bol er best að láta skrá sig fyrirfram.

Hittumst hressar og kátar
Dúdda



Kæri vinur Skaftholtsréttar! Gleðilegt sumar.

Nú í sumarbyrjun sendum við öllum félögum okkar dálítið fréttakorn og beiðni um fjárstuðning sé þess nokkur kostur. Öll framlög stór og smá auka okkur kraft og grynka á útgjöldum.

Frá því við hittumst fyrst í réttunum í apríl 2006 hefur gengi okkar verið ævintýri líkast. Ótal margar vinnufúsar hendur hafa lagt verkinu lið, bæði í sjálfboda-vinnu, láni á tölum og tækjum og með beinum fjárframlögum, svo að nú erum við á lokasprettinum með sjálfar réttirnar og umhverfi þeirra.

Réttirnar vekja mikla athygli og lof fyrir myndarlegt verklag og glæsilegt útlit. Feikilega góður stuðningur hefur verið við verkefnið frá fyrstu tíð og mikil gleði og samtakamáttur verið ríkjandi á reglubundnum vinnudögum.

Nú þegar hafa verið lagðar rúmlega 30 milljónir króna í framkvæmdir við réttirnar, þ.e. í hleðslur, efni, torf, mól, timbur, grjót, vélavinnu og fleira. Þar af skuldu við um það bil 10% og áætlaður kostnaður til verkloka er 2,5 milljónir króna.

Við ætlum að halda hátíð 26. júlí næstkomandi, þegar við afhendum sveitarfélaginu réttirnar. Sitthvað verður þá um að vera. Boðið verður upp á krásir, söng, hugsanlega sýningar og fleira. Hátíðin hefst klukkan 14:00 og allir eru hjartanlega velkomnir. Það myndi efla hátíðarbraginn, ef margir kæmu ríðandi. Nánar verður greint frá dagskrá, þegar nær dregur.

Skaftholtsréttir eru taldar elstu réttir landsins. Í Sturlungu er þess getið 1283, að menn hafi mælt sér mót í réttunum.

Á aðalfundi Vina Skaftholtsréttar 5. apríl síðastliðinn var samþykkt að efna til allsherjar fjársöfnunar meðal félagsmanna og senda öllum bréf þar um. Verum minnug þess að safnast þegar saman kemur og að hver gefin króna styrkir það takmark okkar að ljúka uppbyggingu réttanna.

Bankareikningur okkar er 152-26-5070 og kennitala félagsins er 420106-0250.

Einkenni framkvæmda okkar við Skaftholtsréttirnar hefur verið, að allir hafa lagt eitthvað af mörkum, hver og einn eftir getu og áhuga. Nú er að taka lokasprettinn með glæsibrag.

Með bestu kveðjum og fyrirfram þakklæti,

*Sigurður Steinþórsson Hæli
Kristján Guðmundsson Ásólfstöðum
Lilja Loftsdóttir Brúnum*



Fréttir af Sjóráningjahóp í Leikholti, en hann fór í óvissuferð 4.júní sl.

Jæja þá er fjársjóðsleitinn búinn. Þetta fannst okkur svaka gaman. Fyrst fengum við bréf frá Kafteini Krúsó þar sem hann sagði okkur að hann hefði falið fjársjóð handa okkur einhversstaðar í sveitinni okkar. En til þess að finna fjársjóðinn urðum við að finna vísbendingar og leysa gátur. Fyrsta vísbendingin leiddi okkur undir stigann í leikskólanum, sú næsta út í gula kofann á leikvellinum, svo bak við sundlaug, í Grænuhlíð og svo að lokum í Áshildarmýri. Við leystum ýmsar gátur og sungum. Til þess að komast á alla þessa staði báðum við Bjarna í Fjalli að aðstoða okkur og var hann svo góður að keyra okkur á milli staða. Við skoðuðum allskonar flotta fiska í Grænuhlíð, sumir voru risastórir og aðrir þínulitlir og alveg ferlega flottir á litinn. Við sáu líka hunda og hænur, já og rosa flott vínberjatré. Þegar við komum að Áshildarmýri tók við svolítil ævintýraganga og við þurftum að hoppa yfir djúpan læk og þrila yfir girðingu sem var með flottar tröppur. Í Áshildarmýri fannst svo þessi flotta fjársjóðskista og í henni fundum við tvo fótbolta, tvo spilastokka, fullt af krítum, marga rúsínukassa og bréf frá Kafteini Krúsó. Kafteinn Krúsó óskaði okkur til hamingju með að hafa fundið fjársjóðinn og þakkaði okkur fyrir að hafa kennt honum svona mikla vinsemd. Á meðan grillin voru að hitna lékum við okkur heilmikið í skóginum og urðu á vegi okkar alls konar kvikindi, refir, ljón, minkar og ýmislegt annað varhugavert. Síðan grillaðum við pylsur, drukkum safa og borðuðum vínber. Við skemmtum okkur konunglega.

Kær kveðja
Sjóráningjahópur



Kvenfélag Skeiðahrepps gaf leikskólanum peningagjöf fyrir síðustu áramót í tilefni af stærri útileiksvæði Leikhólts. Fyrir peninginn keyptum við þrjú grenitré og settum þau niður nú í enda maí. ***Takk kærlega fyrir okkur, börn og starfsfólk Leikhólts.***

Munið heimasíðu leikskólans:
<http://leikholt/skeidgnup.is/>



Útskriftarferð elstu drengjanna í Leikholti

Elstu drengirnir, Leifur Darri og Auðunn Magni fóru í útskriftarferð með Möttu 29. maí. Ferðinni var heitið að Borg í Grímsnesi þar sem þau hittum m.a. elstu börnin í leikskólanum Kátuborg (tvær stelpur) og slökkviliðsmenn sem komu þangað á rosa flottum slökkviliðsbíl. Strákarnir fengu að sprauta með stóru slöngunni og skoða slökkviliðsbílinn að innan sem utan - mjög skemmtilegt.





Íþróttæfingar á vegum UMFG í Árnesi sumarið 2009



Fótbolti

<u>Mánudagar:</u>	11 ára og yngri kl. 18:30 – 19:30
	12 ára og eldri kl. 19:30 – 21:00
<u>Fimmtudagar:</u>	11 ára og yngri kl. 18:30 – 19:30
	12 ára og eldri kl. 19:30 – 21:00

Æfingagjöld á einstaklinginn er 5000 kr. og 3000 kr. á systkini.
Eitt barn: kr. 5000. Tvö börn: kr. 8000. Þrjú börn: kr. 11000.

Æfingar munu standa yfir í allt sumar fram að lok ágúst mánaðar.

Þjálfarar: Hafsteinn Einarssons. 663-8577
Gylfi Sigríðarson s. 869-1118

Frjálsar ATH. Breyttur tími.

<u>Þriðjudagur:</u>	11 ára og yngri kl. 19:00 – 20:00
	12 ára og eldri kl. 20:00 – 21:00

Fyrsta æfing er þriðjudaginn 30. maí og munu æfingar standa yfir í allt sumar fram að lok ágúst mánaðar.

Æfingargjald: 2500kr. (1500 kr. fyrir systkini)

Þjálfari: Bryndís Óskarssdóttir s. 846-7188

Ath. Aldurskiptingar gætu mögulega breyst.

Æfingarnar eru ætlaðar bæði strákum og stelpum.
Mætum og höfum það gaman í sumar ☺